

**Član 14.****(Stupanje na snagu i objavljivanje Uredbe)**

Uredba stupa na snagu osmog dana od dana objavljivanja u "Službenim novinama Zeničko-dobojskog kantona". a primjenjuje se od 01.01.2025. godine.

Broj: 02-02-21448/24

**PREMIJER**

Datum, 27.12.2024. godine

**Nezir Pivić, s.r.**

Zenica

**9.**

Na osnovu člana 16. stav (1) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 25. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, donosi

**UREDBU****O STIPENDIRANJU REDOVNOG STUDIJA  
BRANILACA I ČLANOVA NJIHOVIH PORODICA****DIO PRVI - OPĆE ODREDBE****Član 1.****(Predmet Uredbe)**

Ovom Uredbom utvrđuju se uslovi, način i postupak ostvarivanja prava na dodjelu stipendija studentima - braniocima i članovima njihovih porodica za redovni studij na visokoškolskim ustanovama.

**Član 2.****(Redovni studij)**

Redovni studij na visokoškolskim ustanovama u smislu ove Uredbe obuhvata redovni i redovni samofinansirajući studij prvog i drugog ciklusa Bolonjskog sistema studiranja.

**Član 3.****(Korisnici prava)**

Pravo na dodjelu stipendije mogu ostvariti:

- a) dobitnik ratnog priznanja ili odlikovanja;
- b) ratni vojni invalid;

c) demobilizirani branilac koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u Oružane snage pristupio kao maloljetno lice ili 6 mjeseci po punoljetstvu;

d) član porodice šehida, poginulih, umrlih i nestalih branilaca-korisnik porodične invalidnine;

e) član porodice poginulog, umrlog i nestalog dobitnika ratnog priznanja i odlikovanja - korisnik mjesečnog novčanog dodatka;

f) član porodice umrlog ratnog vojnog invalida - korisnik porodične invalidnine i

g) član porodice umrlog demobiliziranog branioca - supružnik koji nije zasnovao bračnu ili vanbračnu zajednicu i dijete dok je na redovnom školovanju.

**Član 4.****(Posebni korisnici)**

Pravo na dodjelu stipendije mogu koristiti i:

a) dijete šehida, poginulog, umrlog i nestalog branioca nakon prestanka prava na porodičnu invalidninu i dijete umrlog dobitnika ratnog priznanja ili odlikovanja kojem je prestalo pravo na mjesečni novčani dodatak;

b) dijete umrlog ratnog vojnog invalida kojem je prestalo pravo na porodičnu invalidninu do navršene 35 godine života;

c) dijete umrlog demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u Oružane snage pristupio kao maloljetno lice ili 6 mjeseci po punoljetstvu, do navršenih 35 godina života;

d) dijete dobitnika ratnog priznanja i odlikovanja, do navršenih 30 godina života;

e) dijete ratnog vojnog invalida do navršenih 30 godina života i

f) dijete demobiliziranog branioca, koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u Oružane snage pristupio kao maloljetno lice ili 6 mjeseci po punoljetstvu, do navršenih 30 godina života.

**Član 5.**  
**(Dokazivanje statusa)**

U postupku ostvarivanja prava po ovoj Uredbi, branioci i članovi njihovih porodica svoj status dokazuju rješenjem nadležne gradske/općinske službe o priznavanju svojstva dobitnika ratnog priznanja i odlikovanja i ratnog vojnog invalida, odnosno člana porodice šehida, poginulog, umrlog, nestalog branioca i člana uže porodice poginulog, umrlog ili nestalog dobitnika ratnog priznanja i odlikovanja, ili uvjerenjem nadležnog organa izdatog u skladu sa Zakonom o upravnom postupku ("Službene novine FBiH" broj 2/98, 48/99 i 61/22), a demobilizirani branioci uvjerenjem VFMB-3a izdatog od strane nadležne Grupe za pitanja evidencija iz oblasti vojne obaveze.

**Član 6.**  
**(Isplata stipendije)**

- (1) Odluku o visini stipendije za svaku godinu donosi ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo).
- (2) Isplata stipendije vrši se u osam mjesečnih rata.

**DIO DRUGI - NAČIN OSTVARIVANJA PRAVA**

**POGLAVLJE I. USLOVI ZA DODJELU STIPENDIJE**

**Član 7.**  
**(Uslovi)**

- (1) Pravo na dodjelu stipendije, lica iz člana 3. i 4. ove Uredbe mogu ostvariti pod uslovom da:
  - a) imaju prebivalište na području Kantona u trajanju od najmanje dvije godine neprekidno do dana podnošenja zahtjeva, osim povratnika u entitet Republiku Srpsku;
  - b) oni i članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost, registriranog kao privredno društvo i
  - c) prihod po članu domaćinstva istih ne prelazi iznos od 80% prosječne neto plaće isplaćene u Federaciji Bosne i Hercegovine u prethodnoj godini.
- (2) Odredba stava (1) tačka c) ovog člana ne odnosi se na lica iz člana 3. ove Uredbe.

**Član 8.**  
**(Posebni uslov)**

Lica iz člana 3. tačke d), e), f) i g) i člana 4. ove Uredbe, pravo na dodjelu stipendije mogu ostvariti za studij na visokoškolskoj ustanovi koji su upisali do navršene 25. godine života.

**Član 9.**  
**(Izuzete)**

Pravo na dodjelu stipendije ne mogu ostvariti studenti koji:

- a) imaju status apsolventa;
- b) u tekućoj studijskoj godini na istom ili drugom fakultetu ponovno upisuju istu godinu studija;
- c) su na vanrednom studiju;
- d) primaju kredit ili stipendiju drugog davaoca ili
- e) su studenti II ciklusa u radnom odnosu.

**POGLAVLJE II. POSTUPAK DODJELE STIPENDIJE**

**Odjeljak A. Konkurs**

**Član 10.**  
**(Raspisivanje konkursa)**

- (1) Stipendije se dodjeljuju kandidatima izabranim po osnovu rezultata konkursa, kojeg za svaku studijsku godinu raspisuje Ministarstvo.
- (2) Objavljivanje konkursa se vrši na web stranici Kantona i dostavlja kantonalnim udruženjima branilaca i članova njihovih porodica.
- (3) Po dostavljenoj obavijesti Ministarstva u tom smislu, gradska/općinska služba isticanjem na oglasnoj ploči, putem web stranice grada/općine i lokalnih sredstava informisanja obavještava zainteresovane kandidate o objavljenom konkursu za dodjelu stipendija i mogućnosti podnošenja prijave na isti.

**Član 11.**  
**(Sadržina konkursa)**

Konkurs za dodjelu stipendija sadrži podatke o:

- g) licima koja imaju pravo učešća na konkursu;
- h) licima koja su izuzeta od bodovanja;

- i) kandidatima čije prijave neće biti uzete u razmatranje;
- j) kriterijima na osnovu kojih se vrši izbor kandidata;
- k) dokazima koje kandidati prilažu uz prijavu na konkurs i
- l) roku za prijavu na konkurs i organu kojem se ista podnosi.

### **Odjeljak B. Prijava na konkurs**

#### **Član 12.**

##### **(Podnošenje zahtjeva)**

- (1) Prijavu na konkurs sa potrebnom dokumentacijom kandidat podnosi gradskoj/općinskoj službi nadležnoj za poslove branilačko-invalidske zaštite u gradu/općini u kojoj ima prebivalište (u daljnjem tekstu: gradska/općinska služba), odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne evidencije.
- (2) Prijavu iz stava (1) ovog člana kandidat podnosi na posebnom obrascu kojeg propisuje ministar Ministarstva u roku od sedam dana od dana stupanja na snagu ove Uredbe.

#### **Član 13.**

##### **(Obavezna dokumentacija)**

Uz prijavu na konkurs kandidat prilaže sljedeću dokumentaciju u originalu ili ovjerenjima kopiji:

- a) dokaz o statusu branioca i člana njegove porodice;
- b) uvjerenje o kretanju (kao dokaz o prebivalištu);
- c) potvrdu o redovnom studiju;
- d) dokaz o nezaposlenosti studenta II ciklusa (uvjerenje nadležne Poreske ispostave o statusu osiguranika, odnosno da se isti ne vodi u jedinstvenom sistemu uplate doprinosa);
- e) izjava o zajedničkom domaćinstvu-kućna lista;
- f) uvjerenje o prosječnim prihodima zaposlenih za posljednja tri mjeseca računajući do dana objave konkursa, odnosno dokaz o nezaposlenosti punoljetnih članova zajedničkog domaćinstva (uvjerenje nadležne Poreske ispostave o statusu osiguranika, odnosno da se isti ne vodi u jedinstvenom sistemu uplate doprinosa);

g) ovjerenu kopiju Specifikacije za utvrđivanje dohotka od samostalne djelatnosti - obrazac SPR 1053 (koji se podnosi uz Godišnju poreznu prijavu/Godišnju prijavu dohotka) za prethodnu kalendarsku godinu, a u slučaju da samostalna djelatnost posluje manje od godinu dana dostavlja se potvrda ovlaštenog knjigovođe;

h) izjavu o ukupnim prihodima domaćinstva;

i) izjavu da ne prima stipendiju po drugom osnovu i

j) izvod iz matične knjige umrlih (za umrlog roditelja), a za razvedene roditelje uvjerenje o bračnom statusu roditelja sa kojim živi.

### **POGLAVLJE III. KRITERIJI ZA IZBOR KANDIDATA**

#### **Član 14.**

##### **(Bodovanje)**

Izbor kandidata za dodjelu stipendije vrši se na osnovu bodova ostvarenih primjenom kriterija utvrđenih ovom Uredbom.

#### **Član 15.**

##### **(Izbor kandidata bez bodovanja)**

Izuzetno od odredbe člana 14. ove Uredbe pravo na dodjelu stipendije bez bodovanja imaju:

- a) lica iz člana 3. i člana 4. tačke a), b) i c) ove Uredbe;
- b) djeca ratnih vojnih invalida sa procentom invaliditeta 70% i više i
- c) kandidati sa procentom invaliditeta 70% i više.

#### **Član 16.**

##### **(Kriteriji)**

- (1) Bodovanje kandidata za dodjelu stipendije vrši se primjenom sljedećih kriterija:
  - a) ratna priznanja, ratni staž i invaliditet i
  - b) socijalno-ekonomska situacija.
- (2) Kriterij iz stava (1) tačka a) ovog člana odnosi se na roditelja po osnovu čijeg učešća u Oružanim snagama kandidat ostvaruje pravo učešća na konkursu.

#### **Član 17.**

##### **(Ratna priznanja, ratni staž i stepen invaliditeta roditelja)**

- (1) Kandidatu čiji je roditelj dobitnik ratnog priznanja ili odlikovanja pripadaju sljedeći bodovi:

- a) značka Zlatni ljiljan, Red hrvatskog trolista i ostala ratna priznanja ili odlikovanja 20 bodova.
  - b) ratna priznanja ili odlikovanja Srebrna policijska zvijezda i Srebrni štit 10 bodova
  - c) ratno priznanje Red hrvatskog pletera 2 boda
- (2) Za svaki puni mjesec ratnog staža jednog roditelja, kandidatu pripada po jedan bod, a za drugog roditelja pola boda.
- (3) Kandidatu, čiji je roditelj pristupio Oružanim snagama kao maloljetno lice ili šest mjeseci po punoljetstvu, pripada 10 bodova.
- (4) Kandidatu-djetetu ratnog vojnog invalida, pripadaju bodovi po osnovu stepena invaliditeta roditelja:
- a) VI grupa 10 bodova
  - b) VII grupa 8 bodova
  - c) VIII grupa 6 bodova
  - d) IX grupa 4 boda
  - e) X grupa 2 boda.

#### Član 18.

##### (Socijalno-ekonomska situacija)

- (1) Po osnovu socijalno-ekonomske situacije, kandidatu pripadaju bodovi:
- a) po članu porodičnog domaćinstva sa invaliditetom, utvrđenog rješenjem nadležne institucije 4 boda
  - b) po članu porodičnog domaćinstva 2 boda
  - c) po osnovu prihoda po članu domaćinstva :
    - 1) do 500 KM 15 bodova
    - 2) od 501 do 800 KM 10 bodova
    - 3) od 801 do 1.000 KM 5 bodova.
- (2) Ukupan prihod čine prihodi koje članovi domaćinstva ostvaruju po osnovu: plaća iz radnog odnosa; starosne, invalidske i porodične penzije, druge djelatnosti i dopunskog rada.
- (3) Prihodom se ne smatra:
- a) novčana naknada po osnovu invaliditeta za tjelesno oštećenje,

- b) novčana naknada za nezaposlene,
- c) novčana naknada za pomoć i njegu drugog lica.
- d) dodatak na djecu, stipendije i krediti učenika i studenata i
- e) novčana egzistencijalna naknada za demobilizirane branioce.

(4) Dokazi o prihodima su:

- a) uvjerenje pravnog lica o plaći zaposlenika,
- b) penzijski ček i
- c) izjava kandidata o prihodima svih članova sa kućne liste.

#### POGLAVLJE IV. DONOŠENJE ODLUKE

##### Član 19.

##### (Preliminarna lista)

- (1) Gradska/općinska služba u postupku po zahtjevu:
- a) pribavlja podatke o dodijeljenim stipendijama drugih davalaca, a u cilju eliminisanja iz postupka kandidata koji već ostvaruje stipendiju za studij po drugom osnovu i
  - b) vrši bodovanje prijavljenih kandidata koji ispunjavaju uslove za dodjelu stipendije i sačinjava preliminarnu listu prvenstva.
- (2) Preliminarnu listu gradska/općinska služba ističe na oglasnoj ploči i web stranici grada/općine, te dostavlja gradskim/općinskim udruženjima branilaca i članova njihovih porodica.
- (3) Rješenje o odbacivanju neurednih zahtjeva, odnosno odbijanju zahtjeva kandidata koji ne ispunjavaju uslove za dodjelu stipendije gradska/općinska služba donosi u skraćenom postupku na osnovu člana 139. stav (1) i (2) Zakona o upravnom postupku.

##### Član 20.

##### (Zahtjev za preispitivanje liste)

- (1) Nezadovoljni kandidati imaju pravo podnošenja zahtjeva za preispitivanje Preliminarne liste, koji mora bit obrazložen i utemeljen na dokazima koji potvrđuju tačnost iznesenih navoda.
- (2) Zahtjev iz stava (1) ovog člana podnosi se gradskoj/općinskoj službi najkasnije u roku od osam dana od dana isticanja liste na oglasnoj ploči i web stranici.

- (3) Gradska/općinska služba je obavezna podnosioca zahtjeva pismeno obavijestiti o stavu po podnesenom zahtjevu.

**Član 21.**  
**(Konačna lista)**

- (1) Nakon razmatranja podnesenih zahtjeva, gradska/općinska služba sačinjava konačnu listu prvenstva kandidata za dodjelu stipendija pri čemu broj studenata kojima će stipendija biti dodijeljena zavisi od visine utvrđenih budžetskih sredstava opredijeljenih za taj grad/općinu.
- (2) Iznos opredijeljenih budžetskih sredstava po gradovima/općinama određuje se na osnovu procentualnog učešća pripadnika branilačke populacije u odnosu na njihov ukupan broj u Kantonu.
- (3) Gradska/općinska služba ističe konačnu listu na oglasnoj ploči.

**Član 22.**  
**(Izdavanje rješenja)**

- (1) Na osnovu konačne liste i obavijesti Ministarstva o visini i broju dodjeljenih stipendija kandidatima koji ispunjavaju uslove, gradska/općinska služba donosi rješenja o dodjeli stipendija izabranim kandidatima, u skladu sa članom 211. Zakona o upravnom postupku.
- (2) Kandidatima koji nisu ostvarili dovoljan broj bodova za dodjelu stipendije u skladu sa konačnom listom gradska/općinska služba izdaje rješenja o odbijanju zahtjeva u skraćenom postupku na osnovu člana 139. stav (1). i (2). Zakona o upravnom postupku.
- (3) O žalbi na rješenje gradske/općinske službe rješava Ministarstvo.

**Član 23.**  
**(Isplata stipendija)**

- (1) Isplata stipendija se vrši putem gradskih/općinskih službi, po dostavljenoj odluci ministra Ministarstva o broju stipendija i iznosu doznačenih sredstava za svaki grad/općinu.
- (2) O doznačenim sredstvima za isplatu stipendija gradska/općinska služba obavještava korisnike putem medija i istim vrši isplatu putem tekućih računa.

**DIO TREĆI - ZAVRŠNE ODREDBE**

**Član 24.**

**(Sredstva za ostvarivanje prava)**

Sredstva za stipendiranje redovnog studija branilaca i članova njihovih porodica, osiguravaju se u Budžetu Kantona, u visini od najmanje 10% ukupnih budžetskih sredstava Ministarstva, a u skladu sa prilivom sredstava.

**Član 25.**

**(Pravdanje sredstava)**

Gradska/općinska služba je dužna Ministarstvu dostaviti pravdanje isplaćenih sredstava stipendija u roku od 15 dana po izvršenoj isplati.

**Član 26.**

**(Evidencija)**

Elektronsku evidenciju o podnesenim zahtjevima i korisnicima prava vode gradske/općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja Uredbe na snagu.

**Član 27.**

**(Instrukcije i nadzor)**

- (1) U realizaciji ove Uredbe ministar Ministarstva može donijeti odgovarajuće instrukcije.
- (2) Nadzor nad provođenjem ove Uredbe vrši Ministarstvo.

**Član 28.**

**(Ravnopravnost spolova)**

Sve imenice koje se odnose na braniocce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

**Član 29.**

**(Ranije započeti postupci)**

Svi slučajevi odnosno postupci koji do dana početka primjene ove Uredbe nisu pravosnažno okončani, završit će se po odredbama propisa koji je bio na snazi u vrijeme podnošenja zahtjeva.

**Član 30.**

**(Stavljanje Uredbe van snage)**

Danom početka primjene ove Uredbe prestaje važiti Uredba o stipendiranju branilaca i članova njihovih porodica ("Službene novine Zeničko-dobojskog kantona" broj 4/14, 1/18 i 15/21).

**Član 31.****(Stupanje na snagu i objavljivanje Uredbe)**

Ova uredba stupa na snagu osmog dana od dana objavljivanja u "Službenim novinama Zeničko-dobojskog kantona" a primjenjuje se od 01.01.2025. godine.

Broj: 02-02-21438/24  
Datum, 27.12.2024. godine  
Zenica

**P R E M I J E R**  
**Nezir Pivić, s.r.**

**10.**

Na osnovu člana 16. stav (1) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 18. stav (2) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i

**U R E D B U****O DODJELI KREDITA ZA ZAPOŠLJAVANJE  
BRANILACA I ČLANOVA NJIHOVIH PORODICA****DIO PRVI - OPĆE ODREDBE****Član 1.****(Predmet Uredbe)**

Ovom Uredbom utvrđuju se uvjeti, način i postupak ostvarivanja prava na dodjelu kreditnih sredstava u svrhu trajnog zapošljavanja branilaca i članova njihovih porodica, koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u entitet Republiku Srpsku koji ostvaruju osnovna prava iz branilačko-invalidske zaštite u gradovima/općinama Kantona i koji su na evidenciji nadležnog organa za vojne evidencije u gradovima/općinama Kantona.

**Član 2.****(Korisnici prava)**

Korisnici prava po ovoj Uredbi su:

- a) dobitnik ratnog priznanja i odlikovanja;
- b) ratni vojni invalid;

- c) demobilizirani branilac koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u Oružane snage pristupio kao maloljetno lice ili šest mjeseci po punoljetstvu;
- d) član porodice šehida, poginulih, umrlih i nestalih branilaca-korisnik porodične invalidnine;
- e) član porodice umrlog dobitnika ratnog priznanja i odlikovanja-korisnik mjesečnog novčanog dodatka;
- f) član porodice umrlog ratnog vojnog invalida-korisnik porodične invalidnine i
- g) član porodice umrlog demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u Oružane snage pristupio kao maloljetno lice ili šest mjeseci po punoljetstvu – supružnik (koji je sa istim živio u braku najmanje dvije posljednje godine prije smrti, i da nije stupio u brak ili vanbračnu zajednicu) i dijete dok je na redovnom školovanju.

**Član 3.****(Posebni korisnici)**

Prava po ovoj Uredbi kao poseban korisnik može ostvariti:

- a) dijete šehida, poginulog, umrlog i nestalog branioca nakon prestanka prava na porodičnu invalidninu i dijete umrlog dobitnika ratnog priznanja ili odlikovanja, kojem je prestalo pravo na mjesečni novčani dodatak;
- b) dijete umrlog ratnog vojnog invalida do navršene 35. godine života;
- c) dijete umrlog demobiliziranog branioca, koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u Oružane snage pristupio kao maloljetno lice ili šest mjeseci po punoljetstvu, do navršenih 35 godina života;
- d) dijete dobitnika ratnog priznanja i odlikovanja do navršenih 30 godina života;
- e) dijete ratnog vojnog invalida do navršenih 30 godina života i
- f) dijete demobiliziranog branioca, koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u Oružane snage pristupio kao maloljetno lice ili šest mjeseci po punoljetstvu, do navršenih 30 godine života.